

Իսկ Յուսիկ անխռով՝ ամենայն հանդարտությամբ կ'ըսեր.

— Խնդրեմ, իշխանուհի, այսպես մի՛ շփոթի՛ք, ես ամեն օր կը նայիմ, ամօթի բան չի կայ, ինք շատ գոհ է, շատ էլ բարեկամ ենք իրարու, եւ շատ սիրով...

— Լռե՛, յիմար, ինք քեզնէ շատ գո՛հ է, կը սխալիս, ինչպե՛ս կարելի է քեզնէ գոհ լինիլ, երբ երկու տարի առաջ իւր զօրաց ալիւրի եւ գարիի ստակը չես վճարած, եւ վաճառականք, որ ինձ խնդրագիր տուին, նոյնպէս Գրիգորի գանգտեր են, այս ամօթ չե՞, որ մարդիկը զօրավարին կնիքը իւր երեսին նետեն:

— Այո՛, իշխանուհի, շատ ամօթ բան է, այդ անպիտանները ես լաւ կը ճանչեմ, յանցանքը զօրավարին չէ, այլ այդ գողերուն, այդ աւագակներուն, որ զինք խաբէր են, մէկին տեղ երկուք կ'ուզեն արնուլ... դուք հոգ մ'ընէք, իշխանուհի, նոքա կը կ'ակոյնան, ես գործը կարգի կը դնեմ, եւ այնպէս որ ոչ ոք ձեր ազնուութիւնը չի նեղէ: Դուք, իշխանուհի, լաւ-լաւ կառավարել գիտէք, ամեն սիրտ շահիլ գիտէք, մեծին, պզտիկին, իշխանին եւ գիւղացիին տեղին խստութիւն, տեղին քաղցրութիւն գործածել գիտէք. բայց եթէ կը ներէք ըսել, ձեր հաշիւը, ձեր ծախքը չափաւորել չէք գիտեր:

— Այս ի՞նչ կնշանակէ,— կ'ըսեր Սեթայ բարկութեան ծիծաով,— կ'երեւայ թեւ դու հիմա գիս կ'ամբաստանես. ես իմ հաշիւս չեմ գիտեր, հաշիւ տուած ունի՞ս, որ գիտնամ:

— Կը ներէք, իշխանուհի,— ըսաւ Յուսիկ իւր քաղցր ժպիտով,— այդ նաեւ հաշիւ է:

— Ինչպե՞ս,— ըսաւ Սեթայ այս անդամ կատարեալ բարկութեամբ:

— Խնդրեմ, կիրք մ'ելնէք, իշխանուհի: Ձեր հաշիւը ինչչափ չդիմանաք եւ չիմանաք, այնչափ օգտակար է ձեզ համար:

— Այս խօսքերով կ'իմացնես թէ գանձիդ վիճակը շատ լաւ է, միայն կը վախես թէ ես, որ իմանամ, աւելորդ ծախքեր կ'ընեմ, ուստի ինձմէ նաեւ պէտք կը տեսնես ծածկելու:

— Դուք շատ խելօք տիկին էք: Սաբա թագուհիի պէս, որ Սողոմոնի հարստութիւնը լսելով...